



Te Putanga Tuawhā

TE PUKAPUKA POUAKO

## TE REO MATATINI (Te Reo Whakaputa)



### TE KAUPAE 1 (NZQCF)

32415 | Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki (Ngā Whiwhinga: E 5)

Ngā Rā Tuku Aromatawai ā-Waho

Te Wāhanga 2: Te 30 o Mei, 2025

Te Wāhanga 4: Te 29 o Oketopa, 2025.

# NZQA

Mana Tohu Mātauranga o Aotearoa  
New Zealand Qualifications Authority

# Te Whārangi Ihirangi

He Kete Manarua.....	2
<b>32415 Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki</b>	
<b>Ngā Tūmahi Aromatawai ā-Waho.....</b>	<b>4</b>
Te Tūmahi Tuatahi – He Tūmahi Tuhituhi.....	4
Ngā tohutohu.....	4
Ngā kōwhiringa kaupapa.....	4
Te Tūmahi Tuarua – He Tūmahi Kōrero.....	6
Ngā tohutohu.....	6
He whakamārama.....	6
Ngā kōwhiringa kaupapa.....	6
He Mahi Tāmiro.....	7
<b>Te Paerewa.....</b>	<b>8</b>
<b>Te Tautuhinga Aromatawai ā-Waho.....</b>	<b>11</b>
Te Whakatakotoranga Aromatawai ā-Waho.....	11
Ngā Herenga Aromatawai ā-Waho.....	12
Te Motuhēhē o ngā mahi o ngā ākongā.....	12
Te Tāpaetanga me te Hāponotanga.....	13
<b>Te Mahere Aromatawaiā-Waho.....</b>	<b>14</b>



## He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuatanga. Ko ngā taonga tuku iho ka kohikohia e te ākongā, ka tahi. Ka rua, ko te whakapiki i te mana motuhake o te ākongā, o ōna hapū, o ōna iwi hoki.

He tāpaetanga ā-matihiko te āhua o te **KETE MANARUA** ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.



# Te Reo Matatini (Te Reo Whakaputa)

32415 Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki

(Ngā Whiwhinga: E 5)

<b>Putanga ako 1:</b> Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.	
Ngā paearu mahi	Ngā whānuitanga
1.1 Ka kōwhiri i ngā rautaki matua e tutuki ai te pūtakenga whakawhiti kōrero, tuhituhi hoki.	He whakapuaki anō i āna ake kōrero, he whakatakoto kōrero. Ka aromatawaitia ēnei. He whakamārama atu anō, he kōrero āwhio, he tōai kōrero, he whakatika whaiaro, he whakaniko, he hoki ki te whakatika. Ka aromatawaitia kia toru o ēnei.
1.2 Ka mārama ngā whakaaro matua.	He miramira i ngā whakaaro matua, he whakamahi tohu ataata, he whakamahi tongi matā, he whakamahi nuka tūhonohono. Ka aromatawaitia kia rua o ēnei.
1.3 Ka whakamahi i ngā āhukatanga reo e hāngai ana ki te horopaki, te hunga whakarongo, me te hunga pānui.	He whakamahi i te reo peha, te reo more, ngā kīanga, ngā tuone, te reo ā-tinana, te hauoro, te kahaoro, te mita, te puna kupu. Ka aromatawaitia kia whā o ēnei.
1.4 Ka tika te reo.	Āhukatanga reo, ngā kupu kaupapa, ngā wetereo matua, te tātaki kupu, he rerenga kōrero oti, ngā kārawarawa me ngā kōwae.



# Ngā Tūmahi Aromatawai ā-Waho

## Te Tūmahi Tuatahi – He Tūmahi Tuhituhi



### Ngā tohutohu

Whiriwhiria TĒTAHI o ngā kaupapa e toru e whai ake nei hei mahi tuhituhi māu.

### Ngā kōwhiringa kaupapa

#### Te kōwhiringa kaupapa tuatahi: He tuhinga ki tō hoa kei tāwāhi

He tuhinga ōkawa tēnei, ka mutu, he tuhinga whakaahua te momo o tēnei mahi tuhituhi.

Kei te pīrangī tō hoa ki te ako i te reo Māori. Me tuhi reta koe ki a ia. Ko tāu he whakamārama ki a ia i ngā āhuatanga o te noho hei ākongā o te reo Māori me te tipu reo rua mai.

Anei ētahi pātai hei ārahi i a koe:

- He aha ngā wero me ngā uauatanga o te ako i te reo Māori?
- He aha ngā painga o te ako i te reo Māori me te tipu reo rua mai?
- He aha ngā wheako kua hua mai i tō ako i te reo Māori?
- He aha ōu moemoeā me ōu maruāpō mō tō whai i te reo Māori?
- He aha ōu kupu akiaki ki a ia, otirā, ki te hunga e whakaaro ana ki te ako i te reo Māori?

Kia kaha ki te whakamahi i ngā nuka reo ki te whakarākei i tō tuhinga tautohu/whakaahua rānei.

Kia **100–150** ngā kupu neke atu te roa.

### **Te kōwhiringa kaupapa tuarua: He mātanga, he ruānuku, he toa tauā o te reo Māori.**

He tuhinga whakaahua te momo tuhituhi.

Kōwhiria TĒTAHI mātanga, ruānuku reo Māori e rata ana ki a koe. Tēnā whakamārama mai ki te hunga pānui ko wai tō toa tauā o te reo Māori:

- he whakamāramatanga mōna (ingoa, pakeke, whakapapa)
- ōna pūkenga, pūmanawa, wheako
- ōna tohu, ōna whiwhinga
- he aha i rata ai koe ki te tangata nei?
- he aha āna mahi ki te whakarauora, ki te tiaki rānei i te mauri o te reo Māori?

Tērā pea, he kaumātua nō tō iwi, hapū, marae rānei. Tērā pea, he kaiako, he kaimahi o tētahi tari kāwanatanga.

Ko te mea nui ko te whakamārama i tōna hononga ki te reo Māori.

Kia kaha ki te whakamahi i ngā nuka reo ki te whakarākei i tō tuhinga whakaahua.

Kia **100–150** ngā kupu neke atu te roa.

### **Te kōwhiringa kaupapa tuatoru: He kaupapa motuhake**

Māu anō e kōwhiri i tētahi kaupapa e ngākau nui ana ki a koe. Kātahi ka whakaputaina e koe tētahi tuhinga:

- He pānui
- He tohutohu
- He reta, īmera
- He reta pōhiri
- He reta whakatairanga
- He pūrākau poto
- He whakamāramatanga.

Kia kaha ki te whakamahi i ngā nuka reo ki te whakarākei i tō tuhinga.

Kia **100–150** ngā kupu neke atu te roa.

## Te Tūmahi Tuarua – He Tūmahi Kōrero



### Ngā tohutohu

Kōwhiria TĒTAHI o ngā kaupapa e whai ake nei hei kaupapa kōrero māu.

### He whakamārama

E āhei ana te kaupapa nāu i tuhi i te tūmahi tuhituhi te whakakōrero, ā, whiriwhiria rānei tētahi atu o ngā kaupapa e whai ake nei hei kōrero māu.

Me mau ā-hinengaro ngā kupu o tāu kōrero. **Kia kaua e pānui i te tuhinga i a koe e kōrero ana,** ka mutu kia Māori te tū ki te kōrero ā-waha mai, ā-reo, ā-tinana hoki.

Mā te kaiwhakahaere tō kauhau e hopukina ki te mīhini, kia rite mai koe ki te tuku i ō kōrero ka whakamōhio atu ki te kaiwhakahaere.

### Ngā kōwhiringa kaupapa

**Te kōwhiringa kaupapa tuatahi: Me ako ngā ākonga katoa o Aotearoa i te reo Māori**

He kōrero tautohe tēnei. Ko tāu, he tohe i te kaupapa: Me ako ngā ākonga katoa o Aotearoa i te reo Māori.

Ko ēnei ētahi āhuatanga hei whakaarotanga māu:

- He aha ngā hua pai o te tuku i ngā ākonga katoa o Aotearoa ki te ako i te reo Māori?
- He aha ngā hua kino o te tuku i ngā ākonga katoa o Aotearoa ki te ako i te reo Māori?
- He aha ngā uauatanga me ngā wero ki te whakaturehia tēnei e te Kāwanantanga?

Ka mutu, ko tāu he whakawai i te hunga whakarongo ko te taha whakaae, ko te taha whakahē rānei te taha tika.

Kia **1–2 mēneti** te roa o tō kōrero ā-waha.

### **Te kōwhiringa kaupapa tuarua: He mātanga, he ruānuku, he toa tauā o te reo Māori.**

He kōrero whakaahua te momo kōrero ā-waha.

Kōwhiria TĒTAHI mātanga, ruānuku reo Māori e rata ana ki a koe. Tēnā whakamārama mai ki te hunga whakarongo ko wai tō toa tauā o te reo Māori:

- he whakamāramatanga mōna (ingoa, pakeke, whakapapa)
- ōna pūkenga, pūmanawa, wheako
- ōna tohu, ōna whiwhinga
- he aha i rata ai koe ki te tangata nei?
- he aha āna mahi ki te whakarauora, ki te tiaki rānei i te mauri o te reo Māori?

Tērā pea, he kaumātua nō tō iwi, hapū, marae rānei. Tērā pea, he kaiako, he kaimahi o tētahi tari kāwanatanga.

Ko te mea nui ko te whakamārama i tōna hononga ki te reo Māori.

Kia **1–2 meneti** te roa o tō kōrero ā-waha.

### **Te kōwhiringa kaupapa tuatoru: He kaupapa kōrero motuhake**

He kaupapa motuhake. Māu tētahi kaupapa e ngākau nui ana ki a koe e kōwhiri. Kātahi ka whakaputaina e koe tētahi kōrero ā-waha:

- He pānui
- He tohutohu
- He pūrākau poto
- He whakamāramatanga
- He whakaari
- He rotarota
- He kōrero paki.

Kia **1–2 mēneti** te roa o tō kōrero ā-waha.

## **He Mahi Tāmiro**

E āhei ana te ākongā ki te hono i ngā taunakitanga o Te Reo Matatini – Te Reo Whakaputa 32415 ki ngā taunakitanga o Te Pāngarau 32412 ki raro i te kaupapa kotahi.

Heoi, kia mataara, ka tuku i te Kete Manarua kotahi ki ngā Paerewa e rua mō te ākongā kotahi.

# Te Paerewa

32415 putanga 1

<b>Ingoa</b>	<b>Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki</b>		
<b>Kaupae</b>	<b>1</b>	<b>Whiwhinga</b>	<b>5</b>

<b>Whāinga</b>	Ko ngā ākonga ka whakawhiwhia ki tēnei paerewa ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.
----------------	---

<b>Whakaraupapa</b>	Core Generic > Work and Study Skills
---------------------	--------------------------------------

<b>Ngā tohu</b>	Paetae
-----------------	--------

## Kōrero whakamārama

- 1 Ko tēnei paerewa, nō te huinga paerewa Reo Matatini me te Pāngarau me mātua kawe mō te National Certificate of Educational Achievement (NCEA). Ka aromātai tahi tēnei paerewa, te paerewa 32413, *Ka mārama, ka tautohu i ngā whakaaro matua o tētahi reo ā-waha, o tētahi reo ā-tā hoki*, me te paerewa 32412, *Te whakamahi pāngarau hei whakaoti rapanga o te ao o te ākonga* i ngā pūkenga tūāpapa o te reo matatini me te pāngarau e whai wāhi tonu ai te ākonga ki te ako, ki te mahi, me ērā atu āhuetanga o tōna oranga.

Kia puta ai te ihu o te ākonga i te ao, me whānui ōna pūkenga reo. I ahu mai tēnei paerewa i ngā taumata 4/5 o Te Marautanga o Aotearoa, i te Tukutuku Ako – Te Reo Matatini, kei te whārangi ipurangi [ncea.education.govt.nz](http://ncea.education.govt.nz), ka mutu ko ētahi whakaaro i ahu mai i ngā tīrewa ako o te Tīrewa Marautanga. Me whai reo, me whai mātauranga, me whai pūkenga te ākonga kia whai take ai, kia āta kōwhirihiā anō ai āna kōrero me āna tuhinga.

## 2 Te Aromatawai

Ko ngā urupare a ngā ākonga, he reo ōpaki, he reo ōkawa rānei, a, me māori noa te tuku:

- Ko ngā momo urupare ā-waha.  
Kia 1-2 mēneti te roa o ngā urupare ā-waha, ka mutu me māori te āhua o te tuku.
- Ko ngā momo urupare ā-tuhi.  
Me mātua tuhi te ākonga i tētahi tuhinga motukore kia 100-150 kupu te roa.

Arā pea ētahi hapa ka puta i ngā tuhinga me ngā kōrero a te ākonga, engari ka tutuki tonu te pūtakenga whakawhiti kōrero. Me aro tonu ki ngā kārawarawa me ngā wete reo matua pēnei i te pū matua, ira kati, piko, tohu tō, oro rua rānei me te whakatakoto kōwae.

Ka tūturu, ka hāngai ngā kaupapa ki te ao o te taiohi.



Ahakoia kāore i aromatawaitia te katoa o ngā Whānuitanga o te paerewa nei, ko tōna tikanga, mā ngā Kaiako te katoa e whakaako kia mārama kehokeho ngā ākongā ki ngā āhuatanga whānui o ngā tini mata o te reo.

### 3 He Taunakitanga

Mā Te Mana Tohu Mātauranga o Aotearoa (NZQA) te aromatawai i tēnei paerewa e whakarite. Ko ngā huarahi whakaatu taunakitanga, e whai ake nei:

- a. he aromatawai wā-here, arā, he Tūmahi Aromatawai Pātahi (TAPA) rānei.
- b. he kohinga taunakitanga ka puta i ngā marautanga katoa i te roanga o te wā (Kete Manarua).

Mā NZQA anō ngā rā tuku Kete Manarua, ngā rā TAPA anō hoki e whakarite.

### 4 Ngā rauemi

Paekupu – <https://paekupu.co.nz/>.

Taura Whiri i te Reo Māori (n.d.) *Te Taura Whiri i te Reo Māori Guidelines for Māori Language Orthography*.

<https://www.tetaurawhiri.govt.nz/assets/Uploads/Corporate-docs/Orthographic-conventions/58e52e80e9/Guidelines-for-Maori-Language-Orthography.pdf>

Te Tāhuhu o te Mātauranga. (2013). *Te Marautanga o Aotearoa*. Te Poutaki Kōrero. (wh. 24-36).

## Putanga ako me te paearu mahi

### Putanga ako 1

Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.

### Paearu mahi

- 1.1 Ka kōwhiri i ngā rautaki matua e tutuki ai te pūtakenga whakawhiti kōrero, tuhituhi hoki.

Whānuitanga he whakapuaki anō i āna ake kōrero, he whakatakoto kōrero. Ka aromatawaitia ēnei.  
he whakamārama atu anō, he kōrero āwhio, he tōai kōrero, he whakatika whaiaro, he whakaniko, he hoki ki te whakatika.  
Ka aromatawaitia kia toru o ēnei.

- 1.2 Ka mārama ngā whakaaro matua.

Whānuitanga he miramira i ngā whakaaro matua, he whakamahi tohu ataata, he whakamahi tongi matā, he whakamahi nuka tūhonohono.  
Ka aromatawaitia kia rua o ēnei.

1.3 Ka whakamahi i ngā āhuatanga reo e hāngai ana ki te horopaki, te hunga whakarongo, me te hunga pānui.

Whānuitanga he whakamahi i te reo peha, te reo more, ngā kīanga, ngā tuone, te reo ā-tinana, te hauoro, te kahaoro, te mita, te puna kupu.  
Ka aromatawaitia kia whā o ēnei.

1.4 Ka tika te reo.

Whānuitanga āhuatanga reo, ngā kupu kaupapa, ngā wetereo matua, te tātaki kupu, he rerenga kōrero oti, ngā kārawarawa me ngā kōwae.

<b>Kōrero whakakapinga</b>	I whakakapingia te paerewa 32414 e ngā paerewa 32413 me 32415.
----------------------------	--

<b>Rā arotake</b>	31 Tīhema 2026
-------------------	----------------

#### Kōrero arotake me te rā whakamutunga mō te aromatawai o ngā putanga i tautuku

Hātepe	Putanga	Rā whakaputa	Rā whakamutunga mō te aromatawai
Rēhītatanga	1	18 Hune 2021	31 Tīhema 2024
Arotakenga	2	29 Pepuere 2024	N/A

<b>Ko te tohutoro ki ngā Whakaritenga i te Whakamanatanga me te Whakaōritenga (CMR)</b>	0233
---	------

Ka taea te tiki atu te CMR nei mai i te ipurangi

<https://www.nzqa.govt.nz/framework/search/index.do>

#### He kōrero mo tēnei paerewa

Mehemea he whakaaro, he āwangawanga ōu mō te paerewa nei, tēnā koa whakapā mai ki te Tāhuhu o te Mātauranga (Ministry of Education) ([enquiries.national@education.govt.nz](mailto:enquiries.national@education.govt.nz)).

# Te Tautuhinga Aromatawai ā-Waho



Te Paerewa Paetae	32415
Te Ingoa o te Paerewa Paetae	Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki
Ngā whiwhinga	5
Te Marau	Te Marautanga o Aotearoa: <a href="#">Te Reo Matatini</a>
Te Wāhanga Ako	<a href="#">Te Tukutuku Ako</a>
Te Tukanga Aromatawai ā-Waho	<a href="#">He Kete Manarua</a>
Ngā Momo Tāpaetanga ā-Matihiko	He konae tuhituhi-.PDF (5–20 whārangi) He kiriata-.mp4   .avi   .mov   .m4v (<5GB)
Ngā Rā Tuku Aromatawai ā-Waho	E 2 ngā kōwhiringa: 1. Te Wāhanga 2: Te 30 Mei, 2025 2. Te Wāhanga 4: Te 29 Oketopa, 2025.
Ngā Wātaka Aromatawai ā-Waho	1. <a href="#">Te Wātaka Whakamātautau 2025</a> 2. <a href="#">Te Wātaka Aromatawai ā-Waho 2025</a>

## Te Whakatakotoranga Aromatawai ā-Waho

He kohinga mahi, he kohinga taunaki rānei nā te ākongā i whakaoti i te roanga ake o te tau hei whakatutuki i te whānuitanga o ngā Paearu Mahi me ngā Putanga ako. Mā konei e puta ai te ihu o te ākongā i tēnei Paerewa.

He Tūmahi Aromatawai e ārahi ana i te ākongā ki te whakatutuki i te whānuitanga o ngā Paearu mahi. Ka whakamahi te ākongā i te reo matatini kia tutuki ai te pūtakenga whakawhiti kōrero ā-waha, ā-tuhituhi hoki, ā, ka kōwhiria ngā rautaki matua, ka mārama ngā whakaaro matua, ka whakamahia ngā āhuatanga reo e hāngai ana ki te horopaki, ka mutu, ka tika te reo.

E rua ngā momo Tūmahi Aromatawai o tēnei Paerewa:

### 1. Te Tūmahi Tuhituhi

Ko tā te ākongā he whiriwhiri kaupapa hei mahi tuhituhi māna. Ka tuhia rānei he whakatairanga, he tuhinga taki rānei, he huritao rānei, he tuhinga auaha rānei, he aha atu rānei.

Ka **100–150** kupu te roa o te tuhinga a te ākongā.

### 2. Te Tūmahi Kōrero

Ko tā te ākongā he whiriwhiri kaupapa hei mahi kōrero māna. He kōrero ōpaki, he kōrero ōkawa rānei, ā, he kauwhau, he kōrero whakamārama (mō tētahi mōteatea rānei, mō tētahi taonga rānei, mō tētahi pūrākau rānei, mō te aha atu rānei), he kōrero auaha, he aha atu, he aha atu.

E āhei ana tā te ākongā whakakōrero i te kaupapa i tuhia rā e ia i te tūmahi tuhituhi, tāna whiriwhiri rānei i tētahi atu kaupapa hei kōrero māna.

Ka 1–2 meneti te roa o te kōrero ā-waha a te ākongā.

**Ka mau ā-hinengaro te ākongā i ngā kupu o ana kōrero, kia kaua ia e pānui i te tuhinga i a ia e kōrero ana, ka mutu, kia Māori te tū a te ākongā ki te kōrero ā-waha mai, ā-tinana mai hoki.**

Tēnā tirohia te Kete Manarua i te paetukutuku nei - [He Kete Manarua](#).

E whakaatu ana te Kete Manarua i t/ētahi tauira hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia t/ēnei tauira, ka whakamahia rānei he mahi whakaharatau, ka whakaritea rānei he Tūmahi Aromatawai anō rānei.

Ko ngā Tūmahi Aromatawai i te Kete Manarua (tā te kaiako). He tauira hei kōwhiringa mā te kaiako, ka whakaritea rānei e te kaiako he Tūmahi Aromatawai kē. Tērā pea he rautaki aromatawai kē āna, hei tauira; he whakaaturanga, he whakamārama mō t/ētahi taonga, he mahi toi, he aha atu, he aha atu.

## Ngā Herenga Aromatawai ā-Waho

He mahi takitahi tēnei mahi me te whakatakoto taunakitanga mō te aromatawai ā-waho mā te ākongā.

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te [Online Digital Submission Portal](#);
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, e huripoki rānei);
- me tāmau te kiriata ki te tītohunga ata, otirā, kāore e whakaaetia ana te tukunga o te honongaitua i tōna kotahi.

[Using the new digital submission portal.](#)

## Te Motuhēhē o ngā mahi o ngā ākongā

Me pēhea e mōhiotia ai te motuhēhē o ngā mahi a ngā ākongā? He tukanga, he taunakitanga me whai, e mōhiotia ai nā te ākongā ake āna mahi aromatawai. Kia mataara ngā ākongā, ngā kaiako me te whānau hoki o te kura ki te motuhēhē o ngā mahi a ngā ākongā.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākongā.

**Hei tauira:**

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:



- » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
- » ngā pukapuka i whakaputaina;
- » ngā pukapuka kāore anō i whakaputaina;
- » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

## Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākongā. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a [assessment.servicecentre@nzqa.govt.nz](mailto:assessment.servicecentre@nzqa.govt.nz),
- waeahia rānei te NZQA Contact Centre i te 0800 687 296.

## Ngā Rā Tuku Aromatawai ā-Waho

1. Te Wāhanga 2: Te 30 o Mei, 2025
2. Te Wāhanga 4: Te 29 o Oketopa, 2025.

E rua 'Ngā Rā Tuku Aromatawai ā-Waho' e āhei ana te ākongā ki te tuku Kete Manarua mai. Heoi me rerekē ngā mahi me ngā taunakitanga o tēnā Kete Manarua o tēnā Kete Manarua ka tukuna mai ki a NZQA.

# Te Pūrongo mā te Ākonga | Te Reo Matatini

Paerewa 32415 | Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki. Kaupae 1 | Whiwhinga: 5

Kura/Whareako Paetoru Nama MOE: \_\_\_\_\_

Ākonga NSN: \_\_\_\_\_

## Putanga Ako - Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.

Ngā Paearu Mahi		Ngā Whānuitanga - Kōrero (K)		Ngā Whānuitanga - Tuhituhi (T)		Kua Tutuki
1.1	Ka kōwhiri i ngā rautaki matua e tutuki ai te pūtakenga whakawhiti kōrero, tuhituhi hoki.	<input type="checkbox"/> he whakapuaki anō i āna ake kōrero <input type="checkbox"/> he whakatakoto kōrero	<input type="checkbox"/> / 2 (K) Kia RUA o ēnei.	<input type="checkbox"/> he whakapuaki anō i āna ake kōrero <input type="checkbox"/> he whakatakoto kōrero	<input type="checkbox"/> / 2 (T) Kia RUA o ēnei.	<input type="checkbox"/> Āe <input type="checkbox"/> Kāore anō
		<input type="checkbox"/> he whakamārama atu anō <input type="checkbox"/> he kōrero āwhio <input type="checkbox"/> he tōai kōrero <input type="checkbox"/> he whakatika whaiaro <input type="checkbox"/> he whakaniko <input type="checkbox"/> he hoki ki te whakatika	<input type="checkbox"/> / 6 (K) Kia TORU, nui ake rānei.	<input type="checkbox"/> he whakamārama atu anō <input type="checkbox"/> he kōrero āwhio <input type="checkbox"/> he tōai kōrero <input type="checkbox"/> he whakatika whaiaro <input type="checkbox"/> he whakaniko <input type="checkbox"/> he hoki ki te whakatika	<input type="checkbox"/> / 6 (T) Kia TORU, nui ake rānei.	
1.2	Ka mārama ngā whakaaro matua.	<input type="checkbox"/> he miramira i ngā whakaaro matua <input type="checkbox"/> he whakamahi tohu ataata <input type="checkbox"/> he whakamahi nuka tūhonohono	<input type="checkbox"/> / 3 (K) Kia RUA, nui ake rānei.	<input type="checkbox"/> he miramira i ngā whakaaro matua <input type="checkbox"/> he whakamahi tohu ataata <input type="checkbox"/> he whakamahi tongi matā <input type="checkbox"/> he whakamahi nuka tūhonohono	<input type="checkbox"/> / 4 (T) Kia RUA, nui ake rānei.	<input type="checkbox"/> Āe <input type="checkbox"/> Kāore anō
1.3	Ka whakamahi i ngā āhuatanga reo e hāngai ana ki te horopaki, te hunga whakarongo, me te hunga pānui.	He whakamahi i: <input type="checkbox"/> te reo peha <input type="checkbox"/> te hauoro <input type="checkbox"/> te reo more <input type="checkbox"/> te kahaoro <input type="checkbox"/> ngā kīanga <input type="checkbox"/> te mita <input type="checkbox"/> ngā tuone <input type="checkbox"/> te puna kupu <input type="checkbox"/> te reo ā-tinana	<input type="checkbox"/> / 9 (K) Kia WHĀ, nui ake rānei.	He whakamahi i: <input type="checkbox"/> te reo peha <input type="checkbox"/> te reo more <input type="checkbox"/> ngā kīanga <input type="checkbox"/> te mita <input type="checkbox"/> te puna kupu	<input type="checkbox"/> / 5 (T) Kia WHĀ, nui ake rānei.	<input type="checkbox"/> Āe <input type="checkbox"/> Kāore anō
1.4	Ka tika te reo.	<input type="checkbox"/> ngā āhuatanga reo <input type="checkbox"/> ngā kupu kaupapa <input type="checkbox"/> ngā wetereo matua <input type="checkbox"/> he rerenga kōrero oti	<input type="checkbox"/> / 4 (K) Kia WHĀ o ēnei.	<input type="checkbox"/> ngā āhuatanga reo <input type="checkbox"/> ngā kupu kaupapa <input type="checkbox"/> ngā wetereo matua <input type="checkbox"/> te tātaki kupu <input type="checkbox"/> he rerenga kōrero oti <input type="checkbox"/> ngā kārāwarawa me ngā kōwae	<input type="checkbox"/> / 6 (T) Kia ONO o ēnei.	<input type="checkbox"/> Āe <input type="checkbox"/> Kāore anō

**Kia eke te ākonga i te Paerewa nei, me whakatutuki i ngā Whānuitanga o ngā Paearu Mahi, mā te tūmahi Kōrero, mā te tūmahi Tuhituhi hoki:**

Paearu Mahi 1 = kia RIMA, nui ake rānei o ngā Whānuitanga e WARU mō te kōrero, mō te tuhituhi anō hoki.

Paearu Mahi 2 = kia RUA, nui ake rānei o ngā Whānuitanga mō te kōrero (e TORU), mō te tuhituhi (e WHĀ) anō hoki.

Paearu Mahi 3 = kia WHĀ, nui ake rānei o ngā Whānuitanga mō te kōrero (e IWA), mō te tuhituhi (e RIMA) anō hoki.

Paearu Mahi 4 = me mahi te KATOĀ o ngā Whānuitanga mō te kōrero (e WHĀ), mō te tuhituhi (e ONO) anō hoki.

Kāore anō kia eke ki te paerewa nei. Kia kaha tonu!